

clarificato corpori Christi Jesu adeo similia sint effecta. Quo pertinet quod Daniel. 12. legitur de sanctis: *Fulgebunt quasi splendor firmamenti: & quasi stellæ in perpetuas æternitates.* Et cum *Psal. 194.* dicatur Deum lumine esse amictum, sequitur etiam nobis lucem & claritatem pro veste futuram.

CAPUT XXXI.

QUOMODO DEUS ANIMÆ DEVOTÆ se revelet ut immensam omnipotentiam.

Psal. 29. Domine Deus virtutum, quis similis tibi? potens es Domine, & veritas tua in circuitu tuo.

Deus ex amore sua bona nobis dat, ut nos vicissim illa aliis ex amore demus.

Charitatis Dei proprium est omnibus hominibus, nullo discrimine amicitiaë aut inimicitiaë, benefacere; idq; non compendij aut honoris proprij causa, sed propter amorem divinum, qui infinitam Dei omnipotentiam impulit, ut ad nos descenderet, & ut ex thesauris suis inexhaustis omnia largiatur, quo nos similiter ex simplici amore Deo reddamus, quæcunq; illi⁹ charitas ex omnipotentiaë suæ thesauro nobis comunicavit. Quocirca cave, ô homo, ne quicquam tibi arroges,

ges,